

**Treći sastanak Pododbora za trgovinu, industriju, carinu i oporezivanje  
u okviru SSP-a između EU i BiH**

**18. oktobar 2018. u Briselu**

**Preporuke**

**Slobodno kretanje robe (Poglavlje 1)**

1. EU poziva nadležne organe BiH da hitno okončaju postupak imenovanja članova Vijeća za mjeriteljstvo koji je odgođen u Vijeću ministara BiH.
2. EU poziva RS da prestane blokirati izradu cjelodržavne strategije za infrastrukturu kvaliteta potrebnu za postizanje napretka u poglavlju *acquis-a* o slobodnom kretanju roba. EU poziva BiH da propisno provede važeće zakone pri izradi strategije i koristi strukture mehanizma koordinacije za rješavanje mogućih blokada.
3. EU pozdravlja veliku međunarodnu suradnju na području infrastrukture kvaliteta.
4. EU je preporučila da se prouči/slijedi „Plavi vodič” za primjenu propisa EU o proizvodima, koji je objavljen u Službenom listu Evropske unije na svim jezicima EU.

**Poduzetnička i industrijska politika (Poglavlje 20)**

5. BiH se potiče da izradi cjelodržavnu industrijsku politiku kako bi se povećala sinergija između postojećih dokumenata. EU također preporučuje da BiH izradi cjelodržavne strategije u oblasti politike za MSP i turizam.
6. EU poziva BiH da ubrza stvaranje jedinstvenog ekonomskog prostora u BiH pojednostavljenjem i usklađivanjem zahtjeva za registraciju poslovnih subjekata i da ukine zahtjev za dvostrukom registracijom ili uspostavljanjem podružnice u drugom entitetu za poslovne subjekte koji žele poslovati na cijeloj teritoriji BiH.
7. EU ponovo nudi radionicu uz podršku TAIEX-a i sastanak s DG GROW (Generalni direktorat za unutarnje tržište, industriju, poduzetništvo te male i srednje poduzetnike) kako bi se provjerilo na koji način će BiH imati najviše koristi od sudjelovanja u programu COSME. EU poziva BiH da iskoristiti ovu ponudu. Kontaktna tačka za COSME u BiH potiče se da se poveže i blisko surađuje s Evropskom komisijom (DG GROW) kako bi se unaprijedila provedba i izvještavanja o COSME.
8. EU je podsjetila na potrebu za čvrstom internom koordinacijom među entitetima u pogledu praćenja, provedbe i izvještavanja u pogledu procjene Akta o malom poduzetništvu.
9. EU je podsjetila na važnost investicionog stuba višegodišnjeg akcijskog plana regionalne ekonomske zone, sa posebnim osvrtom na ključne etape koje su istaknute u pismima povjerenika Hahna.

**Oporezivanje (Poglavlje 16)**

10. EU pozdravlja napore koji su usmjereni na jačanje obavezne elektronske prijave PDV-a i akciza.
11. BiH se potiče da osigura korištenje elektronskog potpisa u cijeloj zemlji i dovrši postupak akreditacije Uprave za indirektno/neizravno oporezivanje (UINO) i Agencije za identifikacijske dokumente, evidenciju i razmjenu podataka (IDDEEA) za tu svrhu u skladu sa Zakonom o elektronskom potpisu.
12. BiH se ohrabruje da ažurira svoje propise o PDV-u i akcizama u skladu s najnovijim promjenama prava EU u tim oblastima.

13. EU pozdravlja pristupanje BiH Svjetskom forumu OECD-a, ali napominje da se BiH treba priključiti uključivom okviru za borbu protiv smanjenja porezne osnovice i premještanja dobiti (BEPS) te potpisati i ratificirati Multilateralnu konvenciju o uzajamnoj administrativnoj pomoći OECD-a.

### **Carina (Poglavlje 29)**

14. EU poziva BiH da osigura punu provedbu Zakona o carinskoj politici BiH
15. BiH se ohrabruje da nastavi s provedbom kompjuteriziranog provodnog sistema.
16. BiH se ohrabruje da se pridruži Protokolu WTO-a o uklanjanju nezakonite trgovine duhanskim proizvodima.

### **Trgovina (Poglavlje 30 - Vanjski odnosi)**

17. EU pozdravlja činjenicu da je prema statistikama EU, ukupna bilateralna trgovina između EU i BiH u 2017. po prvi put prešla prag od 10 milijardi eura, što predstavlja rast od gotovo 13% u odnosu na 2016.
18. EU je uzela u obzir zabrinutost BiH u vezi mogućeg utjecaja koji bi zaštitne mjere EU za čelik imale na privredu BiH i obavijestila BiH o trenutnom stanju zaštitnog ispitnog postupka vezanog za čelik. EU je pojasnila da je ključni cilj Evropske komisije da buduće mjere, ukoliko ih bude, ne narušavaju tradicionalne trgovinske tokove.
19. EU ponovo urgira na BiH da uskladi sheme za male pivare sa pragovima koji se primjenjuju u skladu sa *acquis-om* (200.000 hl) i prima k znanju da je to planirano kroz usvajanje novog zakona o akcizama. EU poziva nadležne organe u BiH da što prije okončaju proces izrade i usvajanja.
20. EU je ponovila važnost provedbe Višegodišnjeg akcijskog plana regionalne ekonomske zone i pozvala BiH da sudjeluje na predstojećem ministarskom sastanku CEFTA u Prištini.
21. BiH se potiče da provede trgovinske reformske mjere koje se odnose na Program ekonomskih reformi.
22. EU u potpunosti podržava sve napore te je spremna i dalje pomagati BiH u finaliziranju pristupanja Svjetskoj trgovinskoj organizaciji (WTO).